

萬有文庫

第二集七百種

王雲五主編

湖海詩傳

(七)

王昶輯

商務印書館發行

湖海詩傳

(七)

王昶輯

萬有文庫

第二集七百種

總編輯者

王雲五

商務印書館發行

湖海詩傳卷三十一

汪孟錫

字康古，秀水人。乾隆三十一年進士，官至吏部主事。有厚石齋集。

蒲褐山房詩話：康古曾祖晉賢先生，讀書好友，建樓以貯書，史有華及堂，以延賓客，故子孫皆好學，能文。而康古與都御史金公德瑛親戚，得其指教者多。又與萬孝廉光泰、王西曹又曾、錢少宗伯、載相、劉切大抵叢書神說，考核精詳，翹然自異於衆。與其弟中紛，咸以詩名。江浙仲紛有桐石草堂集，橫空排募，取徑略與康古同。因先卒，未及與交，故不錄。康古又通內典，乾隆癸未，上欲刪正續藏經，諸城劉文正公屬予與康古任之。考訂去取，俱稱上旨。兼精術數，自謂壽命不過五旬。屆時而卒。子如蓀，如洋，皆從予問業。如蓀字念孫，乾隆乙未進士，由翰林官至德州糧儲道。無詩。如洋詳見後於。

題紹興十八年同年小錄

輓近後器識，文藝翻所專。文藝亦孟浪，十或八九然。徽公大君子，人爵修以天。題名拜黃甲，法慧寺看駢肩。主文緊邊，知周，錄前有十七年，徽公第五甲，鵠立誰與賢。馳驟東漢軌，君

言一何孱。臣從田閒來，祈君三代前。于時期集所，主管九人焉。主管題名小錄：何欽承、劉安世、程千

意謂循故事，竟附青雲傳。竊聞貢舉議，四科遞分年。人才係風俗，私憂頗拳拳。如公其人與，鄒魯曠周旋。

千年羣玉鄉，公本貫建州建陽縣羣玉鄉，未覺風流湮。顧瞻數倫等，路絕無由緣。太息山陰人，獨居豪傑先。狀元王佐紹興府山

陰縣人

題寶祐四年登科錄

廬陵有年少，兆夢騰紫雲。哀然集英殿，袍笏雄壓羣。當時俎豆想，榮豈稽古云。肝膽果鐵石，倡率勤王軍。殺身成仁義，用識文山文。遂及謝與陸，謝枋得陸秀夫。綱常力肩分，理皇殿季宋。得賢曩未聞，我讀萬言策。諒哉臣對君，不寧考官王應麟。賀特擢心殊慙，六百一人中。疇謝名利熏，九十六科後。自開寶八年始有省元狀元之別至是凡九科獨守忠愛勤，門謝紀已未。第二年己未始策死知所欣，云何同枝樹。壁也憐蕝薰，璧亦是科進士給錢倍昔典。舊有小錄錢是年以支用不敷再給降一千七百貫文治賦窺餘縑，本貫下有樣往往綴細碎。益顯名芳芬，請作千佛禮。佐以梅檀焚。

幻居葦觀華嚴墨海

華嚴經八十弓，行願品一弓，明萬歷間名人分寫。

中峰國師餘精靈，法雲下護華嚴經。食肉漱口此來視，紛綸抽帙縑流縑。法領所得法業譯，大方廣佛昭千齡。道琳青鎮寶閣僧豈有受持意，走乞五載莊嚴成。人八十二弓八十，第三十六弓兩人合寫斬新筆墨光流晶。云何寶閣不能有，百年兵火歸禾興。名卿士夫不可悉，高僧善女都留名。逃名或不署姓氏，聲聞之外尤芳馨。是人所書字畫一，如雨蕭散沙勻平。又如衆生壽者相，證性名自殊模形。傳聞華亭寫其一，巧偷不復留禪局。補書之人信好事，所惜完善非前明。籤題一一辨草篆，寒山使筆能飛騰。莫誇金澱顏色異，何讓槃

紙收藏精。諸人寫經多妄語。有無功德疑相爭。經言非寓亦非實。此中妙諦高無層。不見有經何況字。任人饒舌翻縱橫。東郭學人勉事佛。廬居手繙書素綾。元忠萬字寫爲父。我亦爲母資往生。孫元忠爲父寫其後老僧作樓安置。善因勝果今方并。行須廣乞四大部。盡寫付汝充箱藏。

岫嶠碑搨本二十韻

大禹敷文命。神謨繼有繇。九州荆漢畫。五嶽祝融攀。洛洞災方澹。蒸黎食旣艱。刊碑先繆篆。授簡達夷蠻。詰屈成科斗。離披出草菅。象形愚目駭。叶韻聖經刪。青赤誰能見。丹鉛或未嫺。歌賡咨益佐。吁咈訓苗頑。管說云享禪。韓驚涕淚漣。大神呵護久。道士勒摹慳。鏡水流如故。瀛雲割以還。蹄迹尋舊迹。苔蘚剝餘斑。宛委書同祕。黃能血惜殷。經如圖怪物。鼎卽鑄神姦。泗濱支祈鎖。螭頭太室顏。霧迷愁掩靄。宇泐辨迴環。搨勝囊符佩。裝輪閱市鏤。範陳通物始。圭錫重人間。未許陽冰學。寧齊史籀頒。遙思聲教訖。萬古仰隨山。雪後聯句用昌黎雨中寄孟刑部幾道聯句韻

冬春乍遷燠。里巷紛謁拜。萬光泰勞君着屐尋。助我劃灰話。汪孟錫垂冰遞長簷。積玉隘空界。光泰稍稍初日暎。旋旋晚風噫。孟錫搖松白奮轡。落桂青破械。光泰俄犬聲欲沈。凍雀意自怪。孟錫氣和奪候慘。情密忘禮殺。光泰謂言久周旋。其奈遠行邁。孟錫坡將北上。時栢崎嶇首燕路。惆悵背江介。光泰把盞酒未魔。掃壁詩且疥。孟錫德荷金錫斐。志愧騏驎快。光泰鬚髮及未斑。羽翮肯受鍛。孟錫獨往思輓推。羣處切誥誡。光泰方當飲醇醪。庶令起沉瘵。孟錫

陽施動雲雷潛化被草芥

光泰

歲華與俱新造物固不憊

孟

虛心開苑枯大氣鼓成壤

光泰

如火觀昭融如川

泝潮湃

孟

異色雜丹齡衆聲合任味

光泰

古情醇乎醇外論喝復喝

孟

撫時力堪努載重績恐敗

光泰

京洛遲

再遊蓬海讓先屆

孟

牧無三百羊釣想五十牯

光泰

良壁文騰縑利劍光溢蒯

孟

山人衣結鶉都女髮卷薑

光泰

翱翔狃大門兢業守聖戒

孟

深情積繆繆至味領咀嚼

光泰

相將壯其猷大勝錫我玠

孟

別憐胃塵土歸

約翦葱薤

光泰

時哉貞吉升行矣君子夫

孟

朱炎

字桐川號笠亭海鹽人乾隆三十一年進士官阜平知縣有楓江瀛洲湖樓諸集

蒲褐山房詩話笠亭一行作吏而著述之念未嘗一日忘好古多聞撰陶說六卷又抄明人詩十四卷餘皆未經創厥其詩五言如秋先桐葉下涼在雨簾多山平依檻水曲抱城流鐘晚沈荒寺潮

平斷野紅七言如烟開遠岫雙疊曉花漾晴波一鏡春遠水白蘋明月渡隔溪紅袖夕陽樓高閣夕陽殘醉後板橋流水獨吟時茲城水驛迴孤棹茆屋人烟又一村葉落似將鄉思墜蜚飛偏共客心

流置之宋元人集中亦爲佳作

登山至茆菴小憩

海天本寥廓連山蔽光景遐心到層巔力怯氣偏猛纖徑出松梢微茫若懸綆突兀忽趁人欹石壓我頂曳杖足先踣驚魂目難逞仰干苦偃仄回盼忽修整山阿結僧廬簷戶負崇嶺其旁紛坡陀其下快清迴亂山望的的原因橫町町俯瞰籬落間春茶傍石井呼僧汲山泉小住試新茗落花共鳥墮歸雲上衣冷

坐聽鐘磬音。團蒲發深省。

下山憩嶺半坐石壁下

性慳不知疲。歸途更延趣。石骨忽開張。流連未能去。削若斧開鑿。怪似獸蹲踞。漬雨細點苔。崩雲亂倚樹。離立面向背。支柱體交互。殊形紛羅列。詭態變已屢。更復踐仄徑。騎危目遙注。坐久日蔽虧。心遠鳥軒翥。樵歌下清風。遊子澹忘慮。彼美山水姿。茲遊悵岐路。謂磊軒會當望東南。蒼茫指煙霧。

至韜光觀金蓮池登絕頂望遠

攀林出叢篠。耳目忽露爽。傳聞長慶僧。卓錫得方丈。寒泉滴金蓮。已足滌凡想。爲誦謫仙詩。懷古轉神往。取徑越巖嶠。高關塏塏。大海遠不波。羣山共俯仰。下矚吳越區。歷歷紋數掌。空煙蕩溟濛。虛室迴疎朗。丹竈翳榛蕪。石筍立林莽。安得招僮僮。飄飄去塵鞅。

下山紅葉夾路支竹穿林至玉泉觀魚

登陟興未闌。白日欲西去。山光半明滅。斑駁見紅樹。竟欲回陽春。豈必歎遲暮。徑迂延賞多。足倦支筇助。餘情眷漣漪。縈紆愜幽趣。望望未入門。流泉已交注。側步睇微波。潑刺翻紅素。裴徊坐軒楹。翠色襲衣屨。晚景怡人心。吟情起行路。歸來逸思橫。雲林屢回顧。

讀表忠觀碑歌

表忠之觀錢王祠。趙公奏疏蘇公碑。匪私於錢忠以勸。筆力透紙蟠蛟螭。至今往蹟半零落。賴此激發行人悲。吾來碑下剡薜讀。俯仰形勝增嗟唏。金陵錢塘兩都會。東南財賦稱不訾。真人乘運宰天下。南唐逆命遭創夷。忠懿去國等傳舍。歸土不必勞王師。錢塘遺民數十萬。湖山依舊紛遊嬉。玉帛子女久相保。康王南渡猶堪支。勒勳應得鑄鐘鼎。此碑良足千秋垂。廬陵作史論十國。胡乃於此多微辭。吁嗟八姓代五易。中原塗炭無窮期。黥髡盜販乘間起。四方豪傑分邊陲。閩陞荆蹙蜀漢險。紛紜蟻子爭雄雌。堂堂勳爵出吳越。擊郢功始乾符時。破劉誅董樹奇績。功成受賞王爵宜。歸鄉慷慨歌民俗。牛斗無忝人無欺。勤修職貢可安堵。何愛象犀水貝璣。剽剝豈不犯衆怒。保俶奚爲民思之。可知忠孝世所守。元氣能入人肝脾。爾時九國皆僭亂。以較吳越似者誰。熙寧往事忽千載。龍山回首觀已隳。歸然此祠又誰作。靈風颯爽懷賢眉。荒碑風雨幾秋徙。日銷月鑠還扶持。感歎今昔淚雙墮。摩挲不惜手生胝。

對月待友人不至

松際月初上。山中人未歸。鐘聲何處起。煙樹望中微。瘦影移筇竹。寒光照客衣。此時可乘興。未得掩雙扉。

西湖雜詩

樓外湖光一鏡如。憑闌隔柳看叉魚。山廚亭午炊煙直。正是銀刀出水初。楊公隄畔水田圍。烏柏陰中布穀飛。若得一犁兼一犢。箇儂於此澹忘歸。

九里松陰山徑開。琮琤溜玉樹邊來。聽泉一路過三竺。又值雲林放梵回。
采茶歌絕采蓮歌。扇月衣風瑟瑟波。試罷旗槍閒倚檻。夜來香在水亭多。

金兆燕

字鐘越。號棕亭。全椒人。乾隆三十一年進士。官國子監博士。有棕亭詩鈔。

蒲褐山房詩話。棕亭遊黃山諸作。奇崛可喜。常過吳門。訪余不值。寄詩云。山塘碧漲水初肥。柳下停舟一歇。屏臥榻不離。裁竹徑行窩。祇傍釣魚磯。半簾疎雨客何處。滿地落花春欲歸。莫歎維摩頻示疾。天涯人亦減腰圍。又工院本。在揚州作旗亭畫壁記。盧雅雨運使刻之。生平不耐靜坐。愛跳踉多言笑。故時人目爲喜鵲。

文殊院

登山不問途。容足便舉趾。雲肆垂仙甍。霞窟疊幻綺。滑捫蛟室腥。險攀雀巢庫。企空隔仙凡。移步判生死。從僕勉後隨。導僧屢前俟。穿透天一線。漸覩海千里。蹣跚入小菴。枯衲方隱几。挂竈蒸白蔬。石鼎煮赤米。休足得展目。杉根頻徙倚。奇石擲元熊。怪松鬬蒼兕。佳境知漸入。未敢言觀止。不待曉鐘鳴。牀頭覓棕履。

慈光寺

雲裏來鐘聲。不知寺何處。但見猱猿羣。紛紛入竹去。深澗架獨木。俛仰絕所據。路轉境乍闢。紺宇互騫翥。峭壁作繚垣。陰森舛昏曙。遙筭十餘里。清泉不假濾。古佛參四面。塵緣滌萬慮。秋旻月正高。山氣寒相助。日晞獨蒙絳。夜闌謀擁絮。詰朝更探奇。濟勝具當豫。藤杖選枯根。芒鞋剔殘淤。燈下強老僧。由郵細條疏。

鍊丹臺

我生困塵濁。偃蹇蟪蛄窟。欲乞餐霞方。那無入星骨。履險捩微軀。探異陟硤兀。筇杖荷芝簠。不敢畏顛蹶。軒皇乘龍後。僊境多荒忽。崑然鍊丹臺。萬古高嶠岵。鼎銚偃空山。龍虎氣未歇。孰調文武火。嬰姪燄騰勃。山腰百步梯。一步一艱脆。後肩續前踵。上履蹠下髮。銜尾似渴鼠。帖腹若飢蝸。跼膝憩崇岡。齋心通冥謁。白雲爾飛來。吾將排金闕。

舟過橋李

枉渚由拳北。寒雲上杳冥。酒傾銀鑿落。歌愛玉瓏玲。磨劍千年石。落帆何處亭。鴛鴦湖畔月。今夜照孤舲。

寄懷吳岑華先生

西風木落萬山秋。倦客懷人獨倚樓。月到古牆聞蟋蟀。夢回空館聽鷓鴣。定知舊徑懷羊仲。誰向新豐識馬周。江水冬春如皎鏡。何時搖艇一來遊。貝葉金經小閣中。知君權實悟皆空。香爐鵲尾安髻几。文竹魚須冷畫簾。自放形骸友麋鹿。閒看得失闢鷄蟲。三塗八難消除盡。底事還留綺語工。

秋日過歙西鄭氏書樓偕吳二猷芍小步近山同訪吳大松原歸飲月下三十韻

千峯曙色曉蒼蒼。極目西風客思長。藻井蕭晨辭燕婢。綺塋豐歲咒鴉娘。偶經古鎮知巖邑。爲訪幽齋過

野塘小閣高懸徐孺榻。寒流斜抱鄭公鄉。疎籬六枳開花徑。曲岸雙扉轉畫廊。旖旎青帘沽酒市。彌彈絳帳讀書堂。高名自昔原齊富。奇字如今只問揚。上足人皆夢秋駕。垂髫女亦誦靈光。垣衣雨後侵琴薦。壁帶塵中冷劍囊。塢厓米山鳩細溜。牙籤鄴架鼃牢裝。一編別集名乾牋。幾闋新詞號弁陽。露澣薔薇纔擷秀。霞明楓櫺更尋芳。橋橫略彴明紋縠。鐘吼蒲牢出寶坊。擁屐乾沙枯澗澀。胥衣弱蔓古藤僵。鶴巢晚隱深林亦。鹿柴晴堆落葉黃。雲遏歌臺鳴響玉。苔封恨冢弔幽香。百弓地復開佳境。半刺綾旋謁阿荒。戶對奇松青倚蓋。堂迎修竹綠排槍。櫂頭船小牕前過。洗手花粗砌畔昂。鐵榦丁丁聞啄木。金鈴楚楚見治牆。翠屏如畫橫高巘。紉裘連雲壓古牀。據案膏癡應似寶。揮毫草聖詎輸張。山分點允真堪羨。津躍機雲不可常。險磴迴尋朝徑仄。虛簾早見夜燈煌。論文座上冥心會。射覆筵前蓄意藏。紅燭刻時詩虎捷。白波卷處酒龍狂。何須倚檻悲王粲。且自欹巾問葛疆。蛩語驚心喧四壁。虬壺灑耳報三商。國香忽入林蘭隊。經袖真趨帶草旁。雙眼矐矐濃醉後。一輪寒月滿樓霜。

謝垣

字東君嘉善人。乾隆三十一年進士。官刑部主事。有壺傾山房前後詩集。

蒲褐山房詩話。東君家住楓溪。是水雲深處。性嗜蕭曠。雅尚清幽。能畫尤善琴。跡涉軟紅。志同物外。與其弟崑城少宰比屋而居。一則丹轂盈門。一則青苔滿院。披其帷其人斯在。識者有殷韓之別焉。

詩近韓冬郎錄其佳者以見一斑。

秋夜

成飲難耽寐。易吟易得愁。月明窗誤曙。霜冷被知秋。紅葉吳僧寺。黃花楚客舟。幾時幽賞遂。慚愧海邊鷗。
七夕前一日
初鳴蟋蟀早秋涼。團扇還憐夜未央。解恨欲傾千日酒。招歡聊爇五雲香。柳因腰瘦難舒眼。藕爲心虛易斷腸。聞道來宵牛女會。起看銀漢露霓裳。

嘉禾寓中聞秋蟲

何處瓜畦絡緯聲。虛堂欹枕正三更。旅人本少思鄉夢。都被秋蟲暗織成。

沈世煒

字吉甫。號南雷。仁和人。廷芳子。乾隆三十一年進士。官至禮部郎中。有澹俱齋詩集。

再過郎岱恭朗軒司馬招飲夢魚亭卽席率賦

薇省相親憶昔年。重教兩度續前緣。茅亭小築依苔徑。山雨初來響石泉。萬里征塵銅鼓外。一尊鄉思鏡湖邊。多君念舊情彌切。欲別重留意悵然。

孫志祖

字詒穀。仁和人。乾隆三十一年進士。官至監察御史。有頤谷吟稿。

蒲褐山房詩話。語穀性情。瀟灑清修自好。由西曹而擢監垣。即以病歸湖上。中年後留心經籍。作家語疏證六卷。蓋王肅假此以難鄭君。詒穀條分縷晰。解其癥結。有功于鄭學者甚大。其外如文選理學權輿補一卷。攷異四卷。李注補正四卷。刻於桐鄉。顧氏讀畫樓叢書中。皆見詳核。子同元能傳家學。

寄懷詠駿弟客湖南

別緒思無端。難忘送行日。風颺知袂寒。雨灑庫篷密。男兒羨壯遊。輕裝遽遠出。我歸夜已闌。秉燭悅有失。卻憶對牀時。聲聲聽蕭瑟。長安名利場。迫我離親側。獻策笑別庭。讀書慚面壁。落托意何如。倏然歸故室。渡江得家書。字細紙纔一。誰知脊令飛。翻作鴻雁別。過廣陵。知昆園。兄已至粵東。念我出游初。年纔十六七。王申進京時。余年十六。汝今年略似。頗亦愛詩筆。洞庭亘綿緲。騷人代著述。橘柚垂秋深。烟波澹木末。嗟子行役者。彈指光陰疾。爲詠三陟章。安能久鬱鬱。

落葉

秋霜一夜衆林萎。葉落成堆未掃時。流水年華人易感。辭柯消息鳥先知。小園竹徑風聲寂。遠樹柴門日影移。莫道婆婆生意盡。憑闌點筆好題詩。

彭禮

榜姓吳。字行之。鎮洋人。乾隆三十一年進士。官寧武知縣。有北窻吟藁。

宿榔梅菴

片玉樓頭拄杖輕襟情滿洒俗塵清直將海氣疑雲氣祇有泉聲雜雨聲清磬遠傳齋醮肅翠嵐遙接篆煙平雕甍卸砌仙階近閒繞朱欄獨自行

次韻陳玉臺侍御京邸見贈之作

一從捧檄出京華獨向三邊坐吏衙無復春明敦舊雨祇看秋塞潤寒沙漫勞雛鳳新章好來詩尾句云喜聽清聲在雲路丹山雛鳳啄桐花蓋爲次男兆神作也最憶元龍逸興賒但得郵籤時遠遞絕勝隴上寄梅花

行縣至黃松洞

碧峯陡立勢巔巔仄徑崎嶇屐齒艱深淵有果容易沁洞門無路孰爲攀沙盤鵬翮遙遙認樹作龍鱗面面環一事差羸樂天叟不須偷出事遊山

齊雲山天門

境入仙源勢屈蟠碧雲深處任登攀神靈不阻修真路閭闔先開第一關

香爐峯

絕磴高陵碧溯空孤撐石鼎篆雲濃人間香火應嫌褻縹緲憑虛峙一峯

徐以坤

字含章號穀菴德清人乾隆三十三年舉人官國子監博士四庫館書成議叙以主事用

蒲褐山房詩話。穀菴爲觀察以泰之弟。好學能詩。與錢璋石查藥師友善。所作亦如之。而中年病痿。不能出庭戶。雖入京師。爲移勘官。盤桓一室。四面皆護。以重幃。日中往往燒燭檢書。好延賓客。予常入其臥內。又使其子受業。且命之歸。浙江賦明年。子暴卒。穀菴病已劇。遂請假歸。未幾亦歿。詩文俱軼。

九日

怕說題糕節。愁多病日侵。帶圍看又減。藥裹嬾重尋。寥廓悲秋氣。粗豪伏櫪吟。茱萸休細把。逆旅任光陰。

戲爲絕句

蕪城春雨柳穆穆。司理年時酒榼擔。明月二分橋廿四。好春天付與江南。秀州一老腹便便。博物研經取次專。詩史一朝公論在。獨嗤蒙叟愛松圓。

陸敬

字默齋。吳縣人。乾隆三十三年舉人。官內閣中書。

普門焰口行

老僧登壇作胡語。普度十方霑法雨。林深月黑風颼颼。恍惚靈來嘯儔侶。空中陣陣飢鳶呼。臺上梵唄聲模糊。願將調御慈悲力。先使人間少餓夫。

獨遊武林雨中至舊館

荷笠重尋勝。茲遊信不羣。人如曾識燕。山有未歸雲。隔岸雙峯隱。衝烟一艇分。臨風懷舊侶。話雨熱鑪薰。

陳初哲

字在初。號永齋。元和人。乾隆三十四年殿試第一人及第。官至荊宜施道。

張桐村屬題垂釣圖

穿林坐石面晴湖。分得閑身六逸圖。掉首好從巢父去。一竿東海拂珊瑚。
斜風細雨人吟毫。漁父詞成托興高。我欲煙波最深處。也投香餌釣連鰲。

陳嗣龍

字春淑。平湖人。乾隆三十四年殿試第三人及第。今官副都御史。

遂平館舍和褚筠心前輩韻

幾日看紅葉。重來蔭綠天。霜華憑點綴。樹影得清圓。讀畫雲生壁。敲詩硯滴泉。僕人貪偃臥。那解愛便妍。
旅迹原泥爪。翛然客思增。林深遲夜漏。風細颭秋燈。小憩何嫌久。迴闌取次憑。皇華期報命。信宿敢云能。

任大椿

字幼植。一字芝田。興化人。乾隆三十四年進士。官至監察御史。

蒲褐山房詩話。幼植少以詞賦知名。所擬古樂府。劇爲錢文端公所賞。旣而覃精經術。尤熟於爾雅。說文廣雅諸書。嘗撰呂忱字林攷送八卷。又刻釋經九經三傳沿革例諸書。同時有沈君振基。亦通六書。官宗人府主事。不攜妻孥。寄居僧寺。敝車一輶。儼以人署。歸則杜門謝客。忍飢誦經。清苦之況。人所不堪。時論高之。與予交善。因無詩可錄。附見於此。